



Atvinnuvega- og nýsköpunarráðuneyti  
Skúlagötu 4  
150 Reykjavík

Fjarðabyggð, 16.01.2020  
Tilvísun 2001093/10.1

## Umsögn vegna reglugerðar um útboð eldissvæða

Við er til samráðsgáttar stjórnvalda, dags. 18. desember 2019, þar sem óskað er eftir umsögn um ofangreint mál.

### Almennt um drögin

Við setningu laga um gjaldtöku af fiskeldi fór Fjarðabyggð fram á í umsögn sinni um lögin að fá hlutdeild í þeim tekjum sem hið opinbera hefur af fiskeldi. Afstaða Fjarðabyggðar er skýr að þau sveitarfélög sem hafa starfsemi þar sem nýting eldissvæða fer fram munu þurfa sérstakar tekjur til innviðauppbýggingar og því eðlilegra þau fengju beina hlutdeild í þeim tekjum sem verða til vegna fiskeldis. Ljóst er að mikil uppbygging innviða er óhjákvæmileg samhliða auknu eldi í fjörðum sveitarfélagsins. Sveitarfélagið Fjarðabyggð leggur því til að þau sveitarfélög sem hafa nýtingu á eldissvæðum fái hlutdeild af tekjum hins opinbera vegna hagnýtingu hinna sameiginlegu auðlinda. Er það í samræmi við það sem gert er t.d. í Noregi en þar fá sveitarfélög þar sem boðin eru út leyfi hlut í þeim tekjum. Ekki er ljóst af hverju íslenska ríkið beitir þessari útilokun gagnvart sveitarfélögum á Íslandi.

Fjarðabyggð styður að öðru leyti umsögn sína við umsögn Fjórðungssambands Vestfirðinga þar sem segir;

*„Fjórðungssamband Vestfirðinga telur að í ákvæðum reglugerðar um útboðsskilmála eigi að taka tillit til markmiða og ákvæða skipulagsáætlana strandsvæða sem unnar eru á grundvelli laga um Skipulag haf og strandsvæða 88/2018.*

*Fjórðungssambandið vill hér vísa til ákvæða 1. mgr 4. gr a, Fiskeldislaga 71/2008 með síðari breytingum, varðandi ákvæði um samspil laga um fiskeldi og laga um strandsvæðaskipulag eða sem hér segir.*

*"Hafrannsóknastofnun ákveður skiptingu fjarða eða hafsvæða í eldissvæði á grundvelli burðarþols og bestu heildarnýtingar mögulegra eldissvæða. Áður skal stofnunin leita umsagnar Skipulagsstofnunar, Umhverfisstofnunar og, þar sem við á, svæðisráðs viðkomandi svæðis um tillögu sína, sbr. lög um skipulag haf- og strandsvæða, nr. 88/2018. Þar sem strandsvæðisskipulag samkvæmt lögum um skipulag haf- og strandsvæða liggur fyrir skal Hafrannsóknastofnun taka tillit til þess við ákvörðun um skiptingu í eldissvæði. Þar sem strandsvæðisskipulag liggur ekki fyrir skal Skipulagsstofnun birta tillögu*

*Hafrannsóknastofnunar opinberlega á vefsíðu stofnunarinnar og veita þriggja vikna frest til að skila inn athugasemdum áður en stofnunin veitir umsögn til Hafrannsóknastofnunar."*

*Framangreind ákvæði eru einnig tilgreind í 6. gr draga að reglugerð um fiskeldi (S-312 2019) sem eru til umsagnar í Samráðsgátt.*

*Í umsögnum svæðisráða og eða Skipulagsstofnunar munu koma fram framtíðarsýn og nánari ákvæði er varða nýtingu og verndun strandsvæða sem eldisleyfishafar verði að taka tillit til.*